

四庫全書

集部

欽定四庫全書

兩宋名賢小集卷三百十四

宋 陳思 編

元 陳世隆 補

菊磻小集

高翥字九萬餘姚人有菊磻小集

春日即事

人間間日月春後乍晴陰半夜雨聲急一溪流水深鳥

欽定四庫全書

西華名醫集
卷三百十四

啼花自發詩就客能吟短策西湖路幽芳信意尋

送別

老去情懷怕別離年來不作送行詩人前舉似終難信
問著垂楊便可知

春日北山二首

人緣白石泝清溪手剥蒼苔認舊題春色滿山歸不去
折桐花裡畫眉啼

插花吹笛兩山中桃李尊前日日同待得馬頭飛絮滿

更來沽酒看殘紅

僧房夜坐

萬枝松裏一篝燈知是山房第幾層
靜夜數聲清磬響上方應有誦經僧

訪諸葛鍊師不遇

青銅留著布囊中去謁人間小卧龍
久欲共君謀一醉有錢却又不相逢

雜興二首

欽定四庫全書

兩身名集
卷三百十四

新分菊本自鋤山手縛枯藤作矮闌
比似著書空用力
種花猶得一年看

二十年前欲住山
不禁寂寞掩柴關
如今寂寞禁當得
欲掩柴關又却難

秋日田父辭二首

啄黍黃雞沒骨肥
繞籬綠橘綴枝垂
新釀酒旋裁衣正
是婚男嫁女時

少婦按藍旋染裙
大兒敲葛自漿巾
新摘摘笑欣欣相

喚相呼看賽神

孤山雪後

雪後騎驢行步遲孤山何似灞橋時
近來行輩無和靖
見說梅花不要詩

天台曹園

蔡嶺桑麻地曹家桃李莊
溪流春水滑梅度晚風香
竹屋解留客筍興休僦裝
平生看花法不作蜜蜂忙

西湖春雪

小艇沿湖看雪飛正當騎馬踏春時是誰乞與楊花舞
先占東風一月期

閒居雜興三首

開門遣蠻童買花供銅佛春風隨花來為我一披拂風
和花氣清下簾休放出回施佛因果供此老詩骨

點燈酌春酒襞紙題小詩讀盡列仙傳引調學語免自
飲復自笑不覺春漏遲且了今日事明日還任之

杜鵑休忉忉布穀休聒聒無田不須耕無家自能活行

藏莫非時造化安可奪更放心地寬出門行路濶

春日湖上

乘興行新路凝情獨老翁馬蹄春草上人影夕陽中飛絮沿湖白殘花染浪紅晚歸雲氣合雙槳破空濛

春懷

江南春盡尚春寒添盡征衣獨掩關日暮酒醒聞謝豹所歡多在水雲間

過臨平

征帆一似白鷗輕起揭船篷看晚晴梅子著花霜壓岸
自披風帽過臨平

古廟

古廟依喬木開門對淺沙短籬紅槿樹深徑碧苔花屋
破香煙濕庭空日脚斜山寒無賽鼓鳴噪集神鴉

古寺

山路荒涼出小亭土牆辨駁帶枯藤欹斜古殿三尊佛
黯淡寒篝一點燈碣石半磨天寶寺禪房空老政和僧

頭陀禮拜迎人說門外浮屠欠兩層

小居

結屋離黃道開門對白沙一莊千古月三徑四時花客
至旋沽酒身閒自煮茶相聞蟲鳥外不復聽喧譁

秋日三首

旋買扁舟載一翁片帆吹下夕陽東西風欲織江頭錦
催染秋林葉葉紅

庭草銜秋自短長悲風傳響答寒螿豆花自解通鄰好

欽定四庫全書

兩宋名賢小集
卷三百十四

五

引蔓殷勤達過牆

獨客飄然物外遊
江南江北總宜秋
芭蕉昨夜綠何事
和雨和風作許愁

松溪廟

廟自何年立門深
晝不扃寒藤扶壞
壁秋草帶疎樵溪
接東西碧山分遠
近青老巫逢客至
漫說有神靈

蓮實

膩玉肌膚碧玉房
纍纍波面趁紅芳
坐忘佛土三生夢

來結人間一夜涼青子綻時仙掌濕綠苞分處蜜脾香
尊前笑摘驕風露猶記西湖古柳旁

無題二首

獨展羅衾無夢成寶香薰徹轉愁生癡心不願郎思妾
只願郎今厭客情

風竹蕭蕭淡月明孤眠真個可憐生不知昨夜相思夢
去到伊行更幾更

秋興

欽定四庫全書

兩宋名賢小集
卷三百十四

六

數聲新雁夜初長
曉起開門衣袂涼
籬菊褪黃秋興懶
瓦溝纔試一痕霜

秋晚即事

江頭楓葉舞低回
催得濃雲頃刻開
萬里碧天紅日晚
數聲新雁送寒來

母自欺齋夜宴

母自欺齋清更嚴
齋中人物斗之南
七朝宰相得瞻仰
四海詩人交笑譚
古調喜聽琴再弄
深杯休惜酒重添

玉堂今夜無宣喚且與江湖作小叅

曉出黃山寺

曉上籃輿出寶坊野塘山路盡春光
試穿松影登平陸已覺鐘聲在上方
草色溪流高下碧菜花楊柳淺深黃
杖藜切莫匆匆去有伴行春不要忙

育王寺

曉策烏藤上育王入山隨處得徜徉
碑頭龍護先皇字塔下魚懸外國香
遍謁僧房嘗苦茗間聽杜媪說毫光

山深日短行難盡僧遣頭陀辦客牀

春日湖上

清波門外放船時盡日輕寒戀客衣
花下笑聲人共語柳邊牆影燕初飛
曉風不定棠梨瘦夜雨相連薺麥肥
最憶故山春更好夜來先遣夢魂歸

黃居士山房

浮利浮名心已灰三間茅屋白雲堆
先生自釀松精酒侍女能持藤癭杯
養鹿曉隨原草去放猿時摘野花來

近聞身口渾無累，樹葉青黃繞宅栽。

育王寺

精籃遊歷地，景物自情親。
鶴引登山客，僧迎禮壇人名。
花千佛供，喬木萬夫身。
碑刻東坡作，重來為拂塵。

送春

韶光催去本無情，祇為東君去住輕。
雖欲遲留芳草夢，如何禁得杜鵑聲。
桐花快落春風老，梅子微酸晚雨晴。
從此嬉遊時節少，不須日日報詩成。

秋山散步

乍晴沙路軟於塵
新著芒屨更可人
誰道秋山不宜客
桂花多處勝行春

即事

秋來高處不宜登
間却西樓最上層
讀罷黃庭窓戶曉
自敲清磬上香燈

烏鎮普靜寺

寂寞梁朝寺
深廊十數間
碑存知殿古
香冷覺僧殘
斷

岸舟橫浦平坡樹補山休文知好在依舊帶圍寬

渡錢塘

小立晴江上潮生落照邊晚花低映水春草暗迷煙燕子飛官驛鷗羣引客船關情南浦別相對獨依然

七夕

一枕新涼供醉眠覺來風物已淒然山雲帶雨重重合
宮樹鳴秋葉葉顛滿進一杯酬好節休看兩鬢換流年
雙星回施癡兒等容我長齋繡佛前

荆棘中見梅花

荆棘叢中數點春
春雲態度月精神
依然竹屋茅簷下
靚女盈盈不嫁人

感春

人事日紛紛
不知春已分
問梅成綠葉
看杏落紅雲
燕向晴空語
蛙從夜靜聞
感時傷老大
孤坐對爐熏

送劉允叔主簿歸山中

浮利浮名挽不來
故山歸去恰春回
馬蘭旋摘和松鬻

枸杞新生傍菊栽
庭樹夜留山鳥宿
洞門蚤為野雲開
明年我亦天台去
相伴芒屨躡古苔

江居曉詠

家住清江江上村
江雲山影自平分
幾回早起開門看
不見青山見白雲

題二小姬扇二首

慶娘顰翠眉
春瘦怯羅衣
笑問采花蝶
如何成對飛
湘湘未識羞
獨坐抱瑩篴
貪學者婆舞
擡身拜部頭

小樓雨中

雲浮江雨暗，獨客苦淹留。
白髮羞明鏡，青山對小樓。
酒功書下下，心事付悠悠。
安得并州剪，從頭剪斷愁。

首夏

漾漾池塘碧，染衣陰陰草。
樹綠成圍，江村寂寞春歸後。
一點楊花不見飛。

寄方巖

綠髮仙人山澤癯，出游入息幾曾拘。
種花甚少四時有。

諫草不多千古無閱世眼高磨日月好賢名重滿江湖
行藏到得無心處鐘鼎山林豈異途

自賦

蝸角蠅頭總是虛何須留戀市朝居老於親戚情當密
貧與公卿分合疎小徑草荒元種菊故山塵滿舊抄書
幾時歸去重料理嘯月眠雲得自如

戴山登高

醉眼橫斜看菊枝又成客裏過佳期去年行路猶持酒

今日登高懶賦詩
老淚怕從衣袖見
閒情但有帽欄知
阿髯故國才歸得
歲歲須來舉一卮

戍婦吟二首

將身託戰爭
世事百無情
相對生離別
渾如落葉輕
辭家出戍邊
北望隔青煙
怕作沙場夢
秋宵不敢眠

憶西湖

西湖春二月
結客少年遊
駿馬黃金勒
長身紫綺裘
愛花論擔買
嗜酒滿船浮
兩載緣何事
台州又越州

小樓雨中

長安市上僦樓居，閒裡身心儘自如。
十日雨聲春對酒，一窗燈影夜觀書。
茶經未展愁先醒，藥錄才看病已除。
所欠短簷晴影好，折桐花月共扶疎。

喜鄉友來

蕭蕭春雨有客渡江來，世事攢眉說鄉談。
信口開曉有供苦筍時果薦青梅甚欲澆，
離恨呼燈撥酒醅。

春寒

料峭東風破客衣春寒不比臘前時絕憐牆角櫻桃樹
全似梅花雪後枝

昌國縣普濟寺小亭

鯨海中流地龍峯小洞天亭高先得月樹老久忘年大
士居鄰境間僧指便船若為風浪息更結補陀緣

登九華樓

高閣臨江可契心興來時得一登臨山雲浦樹重重合
野水汀蒲日日深鴉背夕陽供晚哺蟬迎涼吹試秋吟

倚欄盡見諸峯出如對風流李翰林

趙仲莊都鈴山居

一官難換北山薇結屋栽花度四時
果熟不妨禽摘盡酒香惟恐客來遲
小蘋低唱花間曲阿廣高吟李下詩
客久辨心分半隱尚嫌風骨欠仙姿

船戶

盡將家具載輕舟來往長江春復秋
三世兒孫居舵尾四方知識會沙頭
老翁曉起占風信少婦濃粧照水流

自笑此生飄泊甚愛渠生理付浮悠

歸寓舍

門前流水碧粼粼歲晚歸來亦可人
梅欲開時多是雨
草纔生處便成春
嬌兒對面兩癡絕老子關情一欠伸
快取竹筩筩濁酒舉杯先為洗京塵

重游無量院

佛屋欹斜老翠微小軒猶記昔游時
江雲帶雨涼生竹
野水迎潮暗入籬
門外風波僧自識
山中朝暮客曾知

眼明素壁關情久十載纔能寫此詩

春霽

積雨才收雲盡歸長安一色碧琉璃日移簾影臨書案
風颭瓶花落硯池巢燕學飛猶戀母籠雞得食旋呼兒
眼看景物關情甚喜為新晴賦此詩

歲除登窄萼山精舍

蕭寺經行無盡情倚闌長是眼增明谿因宿雨十分急
山為凝寒一味清竹外飛花隨晚吹樹頭幽鳥試春聲

重來又是明年事臨出門猶款款行

張氏曲江

一曲澄江兩派分滿山修竹綠齊雲樓窻風月侵帆腹
小徑煙霞隱屐痕白鷺夜依花影宿清猿時共櫓聲聞
主人與客心如水同倚闌干得細論

春情四首

樓頭上馬苦匆匆百計相留無計從正好看花郎却去
江邊春色為誰濃

天涯海角水雲寬人在吳頭楚尾間彈徹瑩篴難寄恨
海棠庭院獨凭欄

深院沈沈照落暉寶香熏徹舊時衣一春行樂誰為伴
羞見花前蛺蝶飛

門草歸來上玉階香泥微浣合歡鞋全籌贏得無人賞
依舊春愁自滿懷

晚春即事

輕煙終日鎖樓臺細雨絲絲半濕苔杜宇一聲青嶂外

谿流時送落花來

戴山戒珠寺

葉葉東風吹客衣
昌安寺裡晚遊時
欹斜竹屋羲之宅
磨滅經幢率府碑
佛化是誰留實相
驚亡猶自見方池
逢僧小作煎茶供
畧問源流笑不知

冬日即事

江上凝冰斂水痕
門前殘雪綴溪雲
杖藜獨立梅梢月
成就清寒到十分

訪鈇朴翁不遇二首

亂花飛絮趁長髯來訪西湖竹裏菴
行盡白雲三十里
詩人又在白雲南

乘興尋僧入翠微
山中無限野薔薇
主人不見從誰賞
折得繁枝自插歸

聚景園口號二首

淺碧池塘連路口
淡黃楊柳護簷牙
舊時歲歲春風裏
長見君王出看花

竹影參差臨斷岸花陰寂歷浸清流遊人難到闌干角
盡日垂楊蓋御舟

恭跋思陵宸翰拓本卷後

淡黃越紙打殘碑盡是先皇御賜詩白髮內人和淚讀
為曾親見寫詩時

山行即事二首

落盡桐花春已休過牆新竹籜初抽山行步步黃泥滑
小立溪橋聽雨鳩

卷地東風晚更狂
櫻桃吹子落泥牆
谿雲自為催詩黑
忙煞條桑窈窕娘

寄林徵君

老無閒事上雙眉
問著窮通盡不知
兩鶴忽飛因客到
一牛方病得妻醫
紫頭幾卷陰功錄
壁上諸家勸世詩
見說今年翁八十
鬢邊才有數莖絲

曉行

跨馬登長路
聞雞度遠關
水光斜漾月
雲影倒埋山
人

迹霜橋外禽聲煙樹間自慙林下客清夢未曾還

三峯廢寺

荒陵依約舊山門秋草離離故迹存雙瀑有聲傳宿雨
一龕無地住閒雲蝸沿壞壁丹青古龜負殘碑字畫昏
三歎廢興誰可問亂雅鳴噪自成羣

下塘

日出移船日又斜蘆根時復見人家水鄉占得秋多少
岸岸紅雲是蓼花

行淮

老翁八十鬢如絲手縛黃蘆作短籬
勸客莫嗔無凳坐
去年今日是流移

蘭亭

老來渾不愛春遊來到蘭亭爛熳秋
亭下水非當日曲
山前竹似舊時修二三客子因懷古
八百餘年續勝流
試與山靈論往事不知還肯點頭不

贈丁子植撫幹

幕府歸來赴調時清聲籍籍滿京師真如白壁藏奇石
判得黃金博斷碑覓宅先尋籠雀地買盆權作養魚池
客中高致猶如此明日還山樂可知

天章寺

地勝秋清人欲仙倚闌時節月初圓不知寺在煙霞表
但覺身臨星斗邊寶墨舊歸天上去高名今向世間傳
登臨莫作匆匆會去後重來又幾年

天衣寺

萬壑千巖非浪聞，十峯雙澗不須論。
袈裟旋化空王服，宮觀曾招帝子魂。
山向馬頭回禹穴，谿分燕尾入雲門。
秋行既了登臨願，草草題詩對綠尊。

穀齋鄭秘書道山領客

羣玉堂前春晝陰，主人領客步清深。
上方圖畫無真贋，東壁詩書有古今。
手轉玉璣看測日，指揮金井試為霖。
山翁不作蓬萊夢，但願時來洗此心。

元日

長憶兒時二老傍元正歲歲有風光攬先禮數修人事
著好衣裳侍酒觴回首不堪追日月感情空歎換星霜
尚期我老如親老却看兒童作節忙

重五日懷舊

獨守空庭日欲晡滿斟濁酒不須沽白頭兄弟三年別
青眼交游一字無醉看葵榴懷舊事饒思櫻笋夢吾廬
向時癡絕今愁絕自讀離騷些老夫

贈鄱陽程克已

見說鄱陽有老程與人懷抱亦分明一千里外未識面
二十年間長慕名因聽酒邊談舊事便從客裏定交情
他時我老君猶健海內相逢即弟兄

初聞雷聲

二月寒猶在春雲濕未開灑窓終夜雨發軔數聲雷
薺麥綠生腦棠梨紅折腮西湖花事動從此日徘徊

靈巖寺

天柱峯高逼太清靈巖端足擅高名人間有石皆奴僕

天下無山可弟兄樵徑雲深多虎跡清溪風暖盡猿聲
客身元是山林種見此如何不動情

秋夜

小屏相對兩眉攢長夜迢迢不肯殘鼠向燈前窺坐卧
人從夢裏說悲歡故山無計行秋晚客路從誰守歲寒
獨得濁醪相慰藉酒腸猶喜十分寬

寄王仲彞仲彞留三衢久不歸省因以歲之

別君三見雁南飛夢裏相逢覺又非書去不知何日到

人來先問幾時歸正堪燈火親書卷莫遣塵埃染客衣
二老倚門知已久交情于此亦依依

李將

自小在行伍得官因用兵籌邊頭髮豎入陣骨毛輕戰
馬惜如命寶刀都有名酒酣常罵坐嫌客話昇平

無錫縣春日

吳楚新歧路江湖舊散人放船來古縣沽酒供閒身花
卸一村雨鳥啼千樹春野塘風捲地無復見芳塵

常熟縣破山寺

古樹滄浪外，精藍縹緲間。
木枯曾閱世，龍老解分山。
鳥道秋迷跡，禪房晝掩關。
詩成遊子去，流水自潺潺。

曹娥浦泊舟

夜宿曹娥浦，停舟是幾更。
聞鐘知寺近，聽櫓信潮生。
風向沙頭起，天從舵尾明。
夢回無意緒，兩岸杜鵑聲。

拜林和靖墓

玉幽香骨老雲根，占斷孤山水月村。
薦菊泉清涵竹影，

種梅地冷帶苔痕生前已自全名節身後從誰問子孫
惟是年年寒食日游人來與酹清樽

多景樓

一帶青山欲盡頭精藍深處著危樓下無餘地容車馬
上有重檐接斗牛鴉落野田長趁晚雁沈沙渚最宜秋
江南好景從來少北望空多故國愁

賞心亭

江亭如倚釣魚磯面面雲欄勢欲飛西望汀洲振白鷺

東連巷陌接烏衣六朝更代人何在千古興亡事總非
客子猶憐風景好倚欄長是欲忘歸

夜過馬當山

獨載詩書趁野航自憐飄泊度時光殘年准擬登牛首
連夜匆忙過馬當古廟荒寒江浸影斷崖淒慘石凝霜
壯懷未分甘衰老回首長淮恨更長

送方巖先生

忠言歷歷未曾行盡載圖書出帝城餘子但知才可忌

先生當以去為榮門闌竹石關心久部曲溪山照眼明
長笑歸歟莫惆悵浙江風定自潮平

清明日

南北山頭多墓田清明祭掃各紛然紙灰飛作白蝴蝶
淚血染成紅杜鵑日落狐狸眠塚上夜歸兒女拜燈前
人生有酒須當醉一滴何曾到九泉

感懷

漂泊南州又過年恰如杜子客鄜川酒堪度日難為醉

詩怕傷時未可傳
店舍無煙兵火後
街坊有月試燈前
荒涼古驛聞吹笛
老淚縱橫落枕邊

秋夜

老去驚秋白髮添
不禁涼吹逼疎簾
樓高幸自蛩聲遠
爭奈梧桐又傍欄

下塘河

河水新添三尺高
河邊蘆葦有龜巢
波流夜夜飄漁箔
空點籃燈照樹梢



兩宋名賢小集卷三百十四

欽定四庫全書

集部

兩宋名賢小集卷三百十五至
七

詳校官中書臣閔思毅

助教臣常循覆勘

總校官編修臣王燕緒

校對官助教臣汪錫魁

謄錄監生臣朱思

欽定四庫全書

兩宋名賢小集卷三百十五

宋 陳思 編

元 陳世隆 補

西麓詩集

陳允平字衡仲又字君衡號西麓鄞縣人才高學博
一時名公卿皆傾倒試上舍不遇放情山水往來吳
淞淮泗間倚聲之作推為特絕嘗著石湖漁唱詞元

金史卷之三
卷三百十五
初以人才徵至北都不受官放還

秦鷺曲

盈盈白玉鈿
裊裊黃金縷
拍拍水晶匳
皎皎珊瑚簾
前雙燕飛門外
桃花雨無處說相思
羞對秦鷺舞

登吳山

登高一展眺
宮樹鬱嵯峨
樓閣春風滿
東南王氣多
青
天行日月
大地布山河
柳色沙堤路
時聞響玉珂

明皇按樂圖

日日霓裳宴綵樓三千歌粉侍宸旒
樂聲縹緲梨園夜仙夢迢迢桂殿秋
翠袖半籠金約臂寶釵斜墜玉搔頭
不知舞到弓彎處一拍春風一拍愁

鄂王墓

鄂王墓在栖霞嶺一片忠魂萬古存
鏡裏赤心懸日月劍邊英氣塞乾坤
蒼苔雨暗龍蛇壁老樹煙凝虎豹旂
獨倚東風揮客淚不堪回首望中原

賀伯父大資休致

不戀清時白玉璫，便將身世寄滄浪。
三朝元老黃樞閣，四海閒人綠野堂。
楚楚菁蘭秋帶雨，蕭蕭寒菊晚宜霜。
擬成東甬耆英社，賸樂壺天日月長。

送中上人遊天台

師作天台去，長亭復短亭。
焚香參祖塔，振錫動山靈。
石罅移菖歎，松根斲茯苓。
何時白雲下，相與話青冥。

寄王尊師

綵雲繚繞七香車，洞裏神仙煉紫霞。
華表鶴歸春寂寂，綵雲繚繞七香車。

東風落盡碧桃花

過田家

村南啼布穀村北響縑車
隔浦賣魚市傍橋沽酒家
野花朝日暖溪柳背風斜
又過東鄰去東鄰採菊芽

秋暮登太白

飄飄短褐袍倚杖立金鰲
橋東溪流急樹增山勢高
白雲連海嶠黃葉滿亭皋
落日西風惡塵埃兩鬢毛

雪

樓臺萬瓦玉鱗鱗遮盡人間富與貧可笑世間剛道冷
不知片片是陽春

觀奕象棋

陣勢頻分合機鋒互應酬馬飛關塞月砲落漢天秋不
問知心友翻成敵面讐誰能勞勝負獨立大江頭

香奩體

小院薰風滿閒庭白晝長蜻蜓楊柳岸灘灘芰荷塘雲
合朱簷卸山高翠閣涼蔓滋青薜荔芽長紫良薑簾幙

深深地闌干曲曲廊澹煙瑤草細流水碧桃香幙影重
門靜苔痕小篆荒螭盤丹鼎雪龍吸露臺漿琴古翻新
調笙沈靜舊簧雨聲犀角枕月色象牙牀掌上雙鸚鵡
屏間兩鳳凰石函藏寶劍金鑰啓瑤箱扇雉團清影匿
鴛試曉粧霞綃衣窄索雲錦佩玎璫鬢攏金蟬轟釵橫
玉燕翔袂飄天水碧裙濺鬱金黃太液簫初遠蓬壺漏
未央流星飛碧落零雨下銀潢去去人千里迢迢天一
方斷腸春洛浦殘夢夜瀟湘

欽定四庫全書

兩宋名賢小集
卷三百十五

江南謠

柳絮飛時話別離
梅花開後待郎歸
梅花開後無消息
更待明年柳絮飛

歎鏡詞

憶妾初嫁時
金屋藏窈窕
忽見長安人
鬻鏡長安道
明月掌上寒
團團復皎皎
千金買得歸
惜之如重寶
匣開雙鳳飛
帶結青鸞裊
當時照妾顏
妾顏正年少
如今照妾顏
妾顏羞已老
對鏡頻歎嗟
掩鏡徒懊惱
不恨妾嫁

遲惟恨妾生早此恨空綿綿天涯滿芳草君不見長江
逝水無逆流歲去年來多白頭

登招寶山

宇宙初開闢何神立此山中流天柱石大地海門關浪
惡蛟龍怒雲深虎豹閒潮期與日月千古一循環

秋夜遊東墅

雲壓高空雁陣低江城歷歷草離離樓臺秋澹玉簫遠
簾幙夜寒銅漏遲明月驚驚菱葉浦西風蟋蟀豆花籬

一尊酒盡銀河落猶有殘鐘出古祠

侍謝立齋小酌湖樓

風捲珠簾客珮清杜鵑啼老送春聲水浮亭館花間出
船載笙歌柳外行千里夕陽歸夢遠六橋飛絮馬蹄輕
闌干倚遍暮天闊烟樹一鉤新月生

題李丹壺壁

閒乘海上槎來訪謫仙家風逆磬聲短日低旂影斜猿
攀高樹果蜂採半巖花誰在丹臺上三更煉紫霞

謁烏龍廟

斷碑猶記唐時事
山氣陰沈暗綠苔
松木已逾千歲壽
香烟知化幾爐灰
廊深無月鬼神過
殿古有雲風雨來
曲曲九溪春水落
子陵灘下復東回

卽事

重重簾幙燕翩翩
塵鎖朱樓十四絃
榆火漸催寒食節
海棠花畔縛秋千

春詞

楊柳春風三月三畫橋芳草碧纖纖一雙燕子歸來後
十二紅樓捲繡簾

春遊曲

長安二月春風裏千紅陌上香塵起都人謹呼去踏青
馬如遊龍車如水兩兩三三爭買花青樓酒旗三百家
長安酒貴人未醉岸頭芳草日半斜誰家女子嬌似玉
約莫青春十五六鬱金羅帶蘇合香琵琶自度相思曲
相思曲聲斷續斷續回文不堪讀回文斷續有續時離

腸寸斷無續期

春閨怨

妾家住在湘江曲
門枕湘江春水綠
年年長是暮春時
兩岸垂楊啼布穀
自君話別湘江頭
獨上層樓彈箜篌
蛾眉不埽遠山碧
滿堤芳草春正愁
舉頭不見君但見
湘江雲江雲散復
聚妾心空如熏
舉頭不見君但見
湘江雲江雲散復
聚妾心空如熏
江水江水去復回
妾顏為誰美
湘江雲湘江水雲
水悠悠何日已
舉頭望君君未
歸門前楊柳空
依依

野人家

遶江生杜若滿地長辛夷剪草塗新壁
寨藤縛舊籬瓦瓶春貯酒土竈夜蒸藜
獨步歸來晚東臯雨一犁

遊陽明洞天

萬木陰沈鎖石門烟霞深處近崑崙
洞簫聲接玉臺磬寶蓋影搖金殿旂
湘浦有龍雲氣濕越山無鶴露華昏
靈芝采盡歸何處溪上白蘋花正繁

哭樓梅麓

白玉樓成去作文祇從西棘挂朝冠
生來病苦相如渴
沒後人知范叔寒
野店春閒沽酒榼
溪堂月冷釣魚竿
梅花麓上誰彈淚
歲歲東風吹不乾

宮詞

三十六宮春漏長
隔簾時送御樓香
倚籠盡日教鸚鵡
為我君前說斷腸

無題

閒拈紅葉欲題詩
待得詩成又懶題
心事不隨流水去

欽定四庫全書

兩宋名賢詩集
卷三百十五

月明人在赤闌西

題胡月山吟屋

蘇公堤上路日日課新吟
流水行花影斜陽卧柳陰
斷橋春聽樂矮屋夜鳴琴
皎皎山門月如君一片心

有所思

憶昔美人初別時長亭兩岸柳依依
今日美人天之涯美人美人胡不歸
憶昔君別妾分破青鸞鏡破鏡如破
心與妾表相憶相憶圖久深憶昔妾別君
剪斷金鳳釵

斷釵如斷腸贈君表相思相思圖久深一日一日復一日
青鏡驚孤釵鳳隻未必君相思能如妾相憶寒衣剪
就欲寄君長安門外無行人雁聲半夜西風惡窻前一
片梧桐落

觀猿

掛石攀雲日半斜亂山深處飽烟霞香林月滿僧歸去
啼落春風幾樹花

失鶴

頂上新成九轉丹，銜花日日到詩壇。
夜深飛上雲霄去，華表月明風露寒。

宿大慈山晤真觀

終南道士學彈琴，門外松蘿鎖翠陰。
瀕海八龍朝出洞，隔山羣鹿夜歸林。
琪花過雨金風澹，玉樹籠烟璧月沈。
三十六壇鐘鼓寂，雲璈聲接步虛音。

寄翁賓暘

歷歷長途謁魯侯，征塵寧復戀貂裘。
江城露冷霜初滑，

梅谷冰消水欲流
夜月觀書徐穉榻
春風聽月仲宣樓
料君頻作西湖夢
曾憶孤山有舊遊

下第懷樓壽

百尺丹梯擬共登
共登天上最高層
南山有霧空藏豹
北海無雲可化鵬
勲業十年塵裏鏡
詩書萬卷雨前燈
桃花開盡不歸去
又逐春風過武陵

別何橘潭

駐馬赤闌橋餘寒著柳條
舟車富陽路風雨浙江潮
惜

別津亭暮思歸故國遙臨行莫惆悵回日定花朝

有感

軟紅塵裏度韶華楊柳橋邊舊酒家燕子不歸春漸老
東風開盡刺桐花

暮春

柳外宮鶯轉晚寒萬花開盡正春殘沈香亭北闌干曲
獨抱琵琶看牡丹

終日

終日懷人凭曲闌餘陰未放客衣單祇緣二月風光澹
別作一般天氣看梅粉有香銷夜雨柳絲無力受春寒
閒情漠漠難拘管自逐輕鷗下急灘

過釣臺作

雙臺屹屹幾春秋千古高風一釣鉤越嶺有雲山北障
桐江無浪水東流雪深黃葉埋寒虎烟暖青莎卧白鷗
漢業已隨宮樹老月明常到客星樓

春閨

寂寞梨花院落閒遠山愁入兩眉
彎黃金絡索珊瑚墜
獨立春風教白鷗

倚樓

金虬熏盡鷓鴣斑
獨上層樓倚畫闌
滿院梨花香寂寞
隔簾風雨正春寒

嚴陵郡舍

花飛不上班
水落白雲灣
簾捲千重樹
窓開四面山
鼓聲魚市近
旗影訟庭閒
滿目皆吟思
殘陽縹緲間

西興

西興潮半落漁浦日初昏
嶽面雲收脚沙頭浪積痕
樓鐘鳴野寺船鼓入江村
回首長安路歸心幾斷魂

曹娥廟

漢碣嵯峨幾百秋
曲墳遺廟越山頭
潮聲侵帳鳳屏冷
雲氣遶臺鸞鏡愁
孝節稜稜雙檜立
哀魂渺渺一江流
椒觴載奠靈風起
知我懷親送遠舟

梁湖道上

東風酒旆斜浦口第三家
谷鳥鳴春樹沙鷗起暮沙
故鄉山漸近曲岸柳初芽
客路歸心切孤帆帶暮霞

閨情

閒拈花片貼紗窗
繡幙斜飛燕子雙
細數歸期相次近
倚樓日日望春江

梅梁堰

廟近雲濤觀山遙翠欲重
祇因溪上木便是洞中龍
堰折潮歸海樓迎浪答鐘
斷碑荒蘚合終古載靈蹤

虎邱即事

西風劍佩輕獨立妙高亭山吐巖頭月江涵水面星石
奔蒼虎勢樹結老龍形何處吹簫客扁舟過洞庭

青龍渡頭

天闊雁飛飛松江鱸正肥柳風欺客帽松露濕僧衣塔
影隨潮沒鐘聲隔岸微不堪回首處何日可東歸

仲冬南樓野望

繡幙香溫生暮寒澹烟漠漠水漫漫吟殘庾嶺梅千樹

夢遶湘江竹萬竿風捲亂鴉棲古塔雪迷孤雁落前灘
一聲玉笛人何所更上南樓獨倚闌

夜泊

停舟野渡頭客路恨悠悠葉落風千樹鐘殘月半樓
花雙過雁莎草獨眠鷗山鬼燒青火飛來照髑髏

梨花

流鶯偷入未央宮望斷昭陽信不通寂寞雨聲寒食夜
一枝香淚泣東風

賦林景參梅嶼

結廬分得雁山雲嶼上梅花是四鄰
水月一天鄉世界冰霜千古玉精神
短檠夜雨西窓夢長缺秋風北塞塵
我亦烟波綸釣侶與君同作歲寒人

懷潘鄭屋

洛陽纔解珮過眼忽秋分
四海一明月千山共白雲
雁烟迷曉樹蟲露濕香芹
滿紙相思字臨風欲寄君

吳江道上

夜半扁舟出洞庭客帆初挂早潮平社風纔起海鷹至
嵐露未收江鵲鳴吳岫亂雲擎古塔楚臯寒葉擁荒城
垂虹橋外天連水無限別離生杜蘅

登西樓懷湯損之

楊柳飄飄春思長綠橋流水遶宮牆碧雲望斷空回首
一半闌干無夕陽

吳山雪霽

九天宮闕春風滿陸地樓臺夜月寒鐵笛一聲吹雁落

片雲不到玉闌干

后土廟

塵擁粧臺翡翠翹
瓊花開盡玉魂銷
崑崙山上天風落
二十四橋吹洞簫

湖上

流水斷橋邊
笙歌擁畫船
日酣花半醉
春困柳三眠
策杖登雲洞
觀魚上玉泉
鳳城歸去晚
山鎖萬重烟

西湖暮春

雲山疊疊樹重重
浙水迢迢客夢中
啼鳩數聲春去日
落花滿地夜來風
松關鶴立吟壇靜
竹院僧眠丈室空
明日馬蹄何處所
夕陽芳草畫橋東

山房

軒窗四面開風送
海雲來一陣催花
雨數聲驚蟄雷
蝸蹊明石甃蟻陣
遶山臺此際衣偏
濕熏籠著麝煤

馬塍道上

閒拖瘦竹筇獨步
馬塍東鳥影青山
外春愁碧樹中
麥

潮風化蝶櫻熟雨生蟲莫過溪頭去溪頭多落紅

遊仙曲

中秋月正明夜半飛紫瓊拂袖天上去攬衣朝太清縹
緲黃金闕迢迢白玉京離離百寶幢裊裊九華旌簫韶
起碧落散花飄羣英翱翔鸞鶴舞清徹雲璈聲淩淩九
霄寒風露薄青冥弱水三萬里仙路渺瀛不赴瑤池
宴相約董雙成吹笙騎鳳皇飛上芙蓉城

戍婦

梧桐葉落雁歸時見說沙場未解圍
夜夜燈前做針線倩誰邊上寄寒衣

秋過姚江釣磯

莎草離離碧樹閒祇疑曾是子陵灘
槿花離落蟲聲碎蘆葉汀洲雁陣寒
江上浪平潮正熟渡頭人去月初殘
夜深不管蛟龍睡獨對西風把釣竿

己酉秋留鶴江有感

賓鴻幾過澱山湖夜夜西風轉轆轤
首宿草衰江館靜

枇杷葉老石泉枯
曲終明月閒歌扇
病去寒灰滿藥爐
客夢不堪千里遠
故園籬菊正荒蕪

經馮將軍墓

同山半白雲
此地葬將軍
香火空遺像
朝廷紀舊勲
鐵衣懸古塔
金鉞鎮荒墳
一澗清泠水
年年生紫芹

江村

草舍蔬畦遶柴門
竹逕通斷雲遮落日
細雨濕斜風野
艾抽花碧山茄帶葉紅
烟深南浦遠難認
楚江楓

江館野望

江邊雁過秋江上暮雲愁
嶺曲山廻轉潮回水逆流
亂莎行石蟹殘荻卧沙鷗
黯澹三更月何人獨倚樓

暮秋遊虎邱

寂寞虛廊暗草萊
天風繚繞寶華臺
江空露冷蛟龍伏
殿古雲深鸛鵲來
山館老松寒綠蔓
石壇芳桂落蒼苔
寒鐘敲斷楓橋月
半夜禪僧入定回

小樓

寒空漠漠起愁雲
玉笛吹殘正斷魂
寂寞小樓簾半捲
雁烟蛩雨又黃昏

侍趙別駕宴壽樂堂

別駕移尊宴草堂
四軒簾幙捲斜陽
芰荷香滿鴛鴦宿
楊柳陰濃翡翠藏
風過水亭秋尚熱
月侵山閣夜偏涼
更闌酒盡不知去
坐看曉星飛玉潢

留鶴江有感

抱玉歸來淚滿襟
世間無計覓知音
此生雖有啜臍悔

到死終無嘗膽心
伏櫪馬思雲路遠
避鈎魚隱石潭深
故人若問淞江客
自採芙蓉學楚吟

送吳松溪過淮

鐵硯毛錐未策功
又攜琴劍過臨邛
荆山有玉鳴朝鳳
滄海無珠走夜龍
浦口月來僧館榻
渡頭霜落客船鐘
自君別後知音少
空憶雁山溪上松

送趙知縣歸天台

自是中朝柱石材
西風塵土暗蒿萊
河陽縣裏花初放

彭澤門前柳未栽，準擬鳴珂來鳳沼。
徘徊抱玉下烏臺，明朝琴鶴歸何處。
三逕故園多綠苔。

姑蘇館

楚岫高低接太行，吳江渺漠下滄浪。
秋城霜滿葦花白，夜館月寒莎草黃。
芳苑鹿臺初解珮，故宮鸞閣尚鳴璫。
五湖一葉扁舟去，十二西樓幾夕陽。

雲間洞天

門掩青松間綠槐，一番圖畫自天開。
朝霞煉藥黃金井，

夜月吹笙白玉臺樹老有枝皆薜荔地閒無處不莓苔
數聲野鶴驚殘夢疑是神仙入洞來

採桑行

妾本秦羅敷家住曲江曲門前楊柳青春風啼布穀樹
頭桑初芽家家蠶始浴相呼出採桑採桑如採玉屈曲
迴高枝攀條剪柔綠朝晴採桑南暮雨採桑北採得桑
歸遲小姑怨相促陌上綺羅人問妾眉何處妾恨妾自
知問妾何所欲消磨三十春漸喜蠶上簇七日收得繭

百斤十日繅成絲兩束一絲一線工織成羅與縠百人
共辛勤一人衣不足舉頭忽見桑葉黃低頭垂淚羞布
裳

對燭

忽憶巴山夜西牕風雨寒自憐清影獨誰識寸心丹草
長花猶在香銷淚不乾海棠貪睡去惆悵五更殘

春曉

曉風獵獵捲芭蕉簾幙深深燕子巢十二畫闌都倚遍

一雙蝴蝶上花梢

侍趙開府夜讌

賸陪華珮醉蟠桃
楊柳飄飄拂午橋
夜月樓臺行錦障
春風簾幙拂紅綃
歌傳杏苑黃金縷
樂奏梨園紫玉簫
銀漏滴殘珠履散
踏花歸去路迢迢

雷峰少憇

倚塔看明月
寒光度玉繩
曲隄藏小艇
疎柳見孤燈
水竹映苔石
巖花綠澗藤
香雲吹散後
猿鶴伴高僧

錢塘旅舍

雲山千萬疊身事恨悠悠客鬢秋風急鄉心夜雨愁
鳴榔寺壁雁過隔湖樓目送千帆遠長江空自流

避暑

避暑入林扃同僧坐竹亭鳥飛晴地影龍挂雨天形
掃葉鋪椰簟臨流注石瓶更無塵跡到日落夢初醒

山中吟

平生獨愛山日日頻躋攀自得山中趣結廬萬山間

山西茂林麓中有盤旋谷飄飄雙鳳凰飛立山上王
日出華山陽月出廬山岡巫山雲漠漠雁山烟蒼蒼
東望秦嶽松西望蒼梧竹知心侶樵漁忘情友麋鹿
山深春亦寒野鳥聲綿蠻山花隨處發香風吹幽蘭
夏日飛火雲枕簟訪深僻坐此松竹林冰泉漱寒石
西風涼蕭蕭雁過秋空高時有巖桂發落葉飛長皋
三冬氣凜冽獨立千崖雪橫斜溪上梅影落溪橋月
身在此山中閒情薄太空行歌白雲裏白雲連崆峒

朝餐山上霞暮採山下藥
安得山中人共跨山頭鶴

兩宋名賢小集卷三百十五

欽定四庫全書

兩宋名賢小集卷三百十六

宋 陳思 編

元 陳世隆 補

雪蓬藁

姚鏞字希聲一字敬庵號雪蓬剡溪人嘉定間舉進士為吉州判官以平寇論功不數年擢守章貢後因迂帥臣重貶衡陽自哀詩文題曰雪蓬藁端平乙未

自為序

春日書懷

柔風散原野百草搖春心叢薄曜陽彩嚶鳴調好音節
物一以變萬感集素襟玄髮不常居華景無停陰胡為
苦貧賤征塵翳瑤簪萱葉覆堂階荊花感晴林明當理
星駕歸息清溪潄

雜詩

北風日以勁古道無人行陽坡樹已黃陰崖草猶青四

時相代謝誰為此枯榮攬衣坐幽磴下有流泉聲聽之
不成調挹之有餘清悠悠京洛塵污人頭上纓

春館

山館四無鄰東風伴幽寂瓶花羞晚紅庭草銜春碧猿
扳松樹枝鶴踏蒼苔色麾之不肯去聽讀麻衣易

見趙章泉

秉芳獨向章泉老四海兒童以字傳特詔難更高士服
好詩多入賈人船行窩冷落熙寧後放鶴風流景祐前

一代典型能幾見願從几杖閱耆年

見袁蒙齋

書說曾傳到剡中不圖今見古人風
間生伊洛二三子安得龔黃十數公
仁性未嘗離日用道心元自與人同
絜齋衣鉢慈湖學願發精微一啟蒙

懷雲泉頤山老

枯吟世慮輕求道不求名病起春風過
閒居野草生游山尋舊屐煮藥試新鐺
別久空相憶疎鐘隔水鳴

寄徑山敬溪翁

心遠人間世燈傳國一禪靜中無劇暑詩外總閒年挂
錫雲生樹烹茶月落泉幾時歸去得再約剡溪船

拜先君墓

次第瞻山看水流夜臺中悶憶三秋新松成行如人長
老鶴無言似我愁僧奉晨昏惟茗供兒悲霜露只蘋羞
結廬終歲闕心事悵悵鐘聲出暝樓

送瞿冲晦歸天竺

西湖山下多奇石師去今遊乳竇峰遙想石臺登講罷
野猿歸洞鶴歸松

寓雪川

王戴溪頭小隱仙漁翁引上雪溪船幾回倦釣思歸去
又為蘋花住一年

春夜曲

金魚鑲合蘭缸小酒不支愁尋睡早梨花欲墜風更寒
燕子不歸春自老流蘇護帳香雲結三十六簧清吹咽

緘書欲寄湘水深城烏啼落花西月

夜發漁浦

為親從薄宦不復計修程斷浦迎潮別孤帆帶月行秋
來江柳變夜久水烟生前路猶淹泊淒其賦遠行

桐廬道中

兩岸山如簇中流鎖翠微風颿逆水上江鶴背人飛野
廟青楓樹人家白板扉嚴陵臺下過不敢浣塵衣

頭陀菴

衣緇髮可梳雲外卓菴居佛換新花供幡拈古碣書刪
松容徑竹種茗間園蔬為應諸方供山房盡日虛

出山

雲陰漠漠雨瀟瀟坐兀歸輿野興遙石澗水流苔路滑
竹籬秋去菊花焦誰將束緼求山火自立寒溪問板橋
官事奔奔何日了倚松臨水羨漁樵

題畫壁

兩山灌木帶晴鴉泯泯春流漾浦沙隔岸小舟呼不應

碧桃花外是誰家

寄范中洲

高隱就詩名中洲雅趣成
几前修竹淨屋上落泉鳴
柘圃春風織山田野火耕
滿山薇蕨老客至足蔬萌

野廟

未知何王廟歲月已非熏
爐松柏煤畫壁苔蘚衣門
空牧豎戲樹老山魃依
田家社酒香紙窖生光輝

懷范正夫

愁霖滴禾黍秋暮滯雲莊但慮輸井稅不憂無積倉竹
雞啼野塹飢鼠走山房不飲論文酒思君覺夜長

宿護國寺觀晦翁先生題名

滿樹樓花滿徑松解鞍纔是暝樓鐘上方月白山雲靜
看見東南一兩峯

看了題名看跋文自憐不及晦翁門野僧惜打殘碑賣
時共山猿洗墨痕

寄冲晦

欲答前春信西飛雁不逢應隨丹竈鶴同看白雲松花
雨繙經石山鳴出定鐘何時尋舊住却說武夷峰

訪中洲

踏雨來敲柳下門荷香清透紫綃裙相逢未暇論奇字
先向水邊看白雲

賃宅

及春遊帝里賃宅似吾家雨溜生新草風牀受落花病
多添老懶慮淡遠紛華時與幽人遇燒香煮茗芽

悼復石壁

一死雖如蛻殺身真可哀僧危能仗義詩好更多才鶴
怨蘭亭月雲消石壁苔舊時同社友寂寞載書來

送僧

去結茅堂雪水邊曉行持鉢落花天得松未用栽松本
先買溪南舊石田

王別駕訪天竺頤曩二師

寶香熏徹碧蓮臺別駕尋僧日暮回聽雨齋前驚樹長

浴雲池上看花開青山久不逢坡老元鶴親曾識辨才
二老風流如昨日百年詩石未蒼苔

廬陵贈異孤峰

幾度雲間望鶴飛相逢猶喜及秋期明朝採藥青原洞
好掬寒泉供祖師

寄劉敏政

一生貧樂鬢成絲前輩風流及見之道外無營偏愛畫
靜中有趣只吟詩雲生茅屋湖山近秋滿荒園橘柚垂

欽定四庫全書

卷三百十六

見說地幽人罕到自同妻子種江蘼

自青原回訪敏政幾不相遇

曉汲山泉洗硯回要看奇石立蒼苔騎驢應為尋詩出
放鶴還知有客來一井清寒宜茗飲千林黃落獨梅開
他時老圃如能學只乞山中橘本栽

寄趙東野時以師檄撫定贛叛

東野山人有晉風歸來三徑自栽松錦囊句好閒中趣
鉛鼎丹成靜處功無事杖藜隨野鶴有時隱几看晴峯

長江近日風波惡莫向深淵下釣筒

清晨閒上鬱孤臺鼓咽譙樓角更衰病葉滿山難獨埽
狂花一樹為誰開泉枯石井獅空吼雨暗荒池鳳不來
欲向江東問仙老海風吹浪駕舟回

送賴士謁前賴侯楊東山

凝香句滿空同石靜向東山卧白雲夫子自能明易學
衆人誰解識玄文空江短棹浮詩卷別岸飛花撲練裙
到得帶圍春已過煮茶應共竹間分

題東山贈何青霞詩後

青霞道士來相見手閱東山詩一卷句裡明知山水心
筆端照見烟霞面昨宵夢上寥陽殿仙官敕作青霞傳
傳成不及卷中詩罰讀靈歌三百遍

午興

心閒日日理黃庭四體和柔勝藥靈獨步小軒無一事
老槐陰裡鶴梳翎

兩宗名賢小集卷三百十六

欽定四庫全書

兩宋名賢小集卷三百十七

宋 陳 思 編

元 陳世隆 補

靜佳龍尋稿

朱繼芳字季實號靜佳建安人登進士授龍尋令龍尋舊有顏長官仁郁祠長官五代時能撫循其民使不見兵革嘗作詩以道民疾苦其題有十每題繫以

十詩共百篇繼芳晉謁祠下依韻和之題曰靜佳龍
尋稿後調桃源令又調宜州教授不赴有詩云瘴海
南邊路淺深客愁不待嶺猿吟無人喚得涪翁起分
我桄榔橄欖陰同時倡和為錢唐陳起汶陽周伯弼
建安張至龍俱有聲江湖間者又自哀所作一卷題
曰靜佳乙稿

和顏長官百詠

并引

龍尋邑東有顏長官仁郁祠長官五代時能撫循其

民使不見兵草龍尋志所刻詩百篇皆道民疾苦皇
皇不給之狀余生三百年後奉天子字茲邑晉謁祠
下因次韻以寄甘棠之思且使來者知我愛桐鄉之
意云

農桑

裹飯驅兒候暖耕塍泥滑滑不堪行如何說得農家苦
雨笠風蓑過一生

婦饁耕夫日尚長碓聲鳴咽宿春糧尋思一飯何時飽

秧種青青麥未黃

淡黃竹紙說蠲逋白紙仍科不稼租努力經營猶恨晚
官司那問有錢無

編茅為屋荻為簾老小團團苦樂無樂歲輸丁猶未了
饑年家口更堪添

頭白村翁尚把鋤瓶中那復斗升儲午食減與飢烏食
却愧家人問有餘

四月官場入納時鄉耆旁午上門追請看貧婦通宵織

身上曾無挂一絲

腸隨絲斷手生胝
羨殺星邊織女機
借問輸官零落否
兒郎寒冷且無衣

農父眉頭百念攢
雨愁爛死旱愁乾
龍神社鬼燒香遍
不到秋成睡得安

客戶耕田主戶收
螟蝗水旱百般憂
及秋幸有黃雲割
債主相煎得自由

帶得雞豚趁曉墟
荒村牢落數家居
一家幸是田園主

欽定四庫全書

兩宋名賢詩集
卷三百十七

三

留與兒孫寫契書

朱門

紅雨聲乾未作泥
繡成十里綠楊堤
金杯緩勸玲瓏唱
玉勒催歸驀裊嘶

晉代豪華不數家
萬錢下筯未為奢
客來只是家常飯
豆粥萍蘆費咄嗟

曲池畢竟有平時
冷手看他炙手兒
十數年間三易主
焉知來者復為誰

客履三千此託身
晚杯狐白暖生春
狂來且置興亡事
金塢銅陵不解貧

天近偏承雨露榮
深深庭院鎖清明
柳絲風送鞦韆影
牆外行人空復情

朱門往事若為懷
積雨苔痕綠上階
幾處敗甎吟蟋蟀
主人曾此溜金釵

百斛明珠來在倉
沈香火底捻銀簧
人生行樂那須許
多少邊兵未有糧

泥金摺損舞衣羅，蹙破遙山皓齒歌。
此曲人間聽不得，莫愁人自有愁多。

中壽知無滿百身，暖歌冷舞及青春。
黃金不買長生藥，白髮偏驚快活人。

長楸走馬却歸來，雉挾春驕未應媒。
不信杏梁雙燕語，日長簾幕有風開。

客路

一曲長歌行路難，昏鴉歸盡倚闌干。
不知楚水巴山地，

更有高樓鳥外看

哀猿啼斷暮雲深
摸索牀頭未盡金
莫道他鄉千萬里
去家三日幾般心

兒女傷悲士不為
健行童僕遠相依
春風日日生芳草
未必啼鵲怨不歸

俠客千金不稱求
途窮相顧問因由
臨分脫贈青萍劍
莫蕩人間瑣碎雠

客裏情懷更晚秋
鴈煙蜚語五更頭
從前諳盡江湖味

身如海燕傍誰門別淚雙垂不見親惟有一條邛竹杖

相隨萬里共艱辛

是處人家搗練忙天寒日短路偏長蜚聲四壁無時歇

不遣羈人夢到鄉

送窮不去奈窮何山有荆榛水有波萬物得時人自老

梁鴻頭白五噫歌

屈指秋風與鴈期陽關西去到何時側身一望腸堪斷

天似穹廬碧四垂

高鳥翩翩去未窮
行人擾擾復西東
何須華表千年鶴
城郭重來便不同

邊庭

年年塞草欲秋時
左右紅旗說戰機
介冑簾官應有語
而今宰相愛吟詩

角聲吹裂肺肝愁
說與將軍莫逗遛
男子生當侯萬里
死判馬革海西頭

一劍沙場獨苦辛
天陰殺氣作黃塵
沈思鳥盡弓無用
肘後纍纍却顧身

探使歸來半信疑
帳前相語怕人知
沈香霧裏嬌絃暖
莫遣邊愁到兩眉

征夫戰骨灑桑乾
帳下蒼頭自轉官
一騎紅塵天外落
籌功更說幾多般

公主琵琶胡地秋
將軍刁斗漢關愁
相逢老病無依卒
未說沙場淚已流

蒼苔白骨滿黃沙馬汗成冰帶雪花
夜夜鞘中長缺吼
教人不得夢還家

有客新從塞上回解包收得戰場灰
營家未敢分明哭
請看刀痕始欲哀

敵退邊方得暫寧棄兒紅近莫休兵
漢家錯信和親議
不見雛兒與父爭

北風吹骨正酸辛白面書生四角巾
戰士總成亡命鬼
將軍纔是有功人

城市

村翁生長在柴門身有丁男犢有孫
為了官租纔出市
歸家誇說與鄉村

崔羅門巷昔趨榮味似餠甜忽變辛
說與侯門休謝客
朝朝暮暮看人情

王孫公子少年遊醉裏擣搗信采投
指點某莊還博直
明朝酒醒到家求

山人只合住山中入得城來調不同
滿面紅塵無處避

手攜白羽障西風

紫陌尋春日日過楊花無主奈春何
傾城壓酒嬌無力
醉裏相扶踏踏歌

相班士女狹邪間總把喧啾賣却閒
人壽幾何春不再
典衣沽酒強追攀

春風日日柳年年到老那知稼穡難
若見田家秋作苦
教人一飯不違安

蕪城懷古最愁人
劫火燒殘得此身
舞榭歌臺何足道

秦宮漢苑尚流塵

百人聚處小喧闐
析到秋毫似計然
見說天公還掠剌
鵲形懷寶度饑年

身遊城市髮將華
眼見人情似槿花
惟有梁間雙燕子
不嫌貧巷主人家

貧女

春風有分到兒家
也插花枝表歲華
但得作嬾君子室
隨宜粧遣不須奢

洗盡鉛華淨潔貧嫁衣莫說為他人絕憐父母窮相守
不為金多賤却身

枯木無枝可作花門前度盡七香車四鄰日日笙歌裏
背立東風有幾家

他家百兩送于歸成匹鴛鴦作錦機獨守空閨愁不寐
一燈明滅補寒衣

燈下穿針影伴身懶將心事訴諸親阿婆許嫁無消息
芍藥花開又一春

卓家人富頗輕財，積鼻堪依不用媒。只是儂家貧亦好，
枯桐那得鳳凰來。

少年蕩子有黃金，投贈明珠結兩心。不得良媒終不肯，
一春風雨洞房深。

伯鸞不作悵誰從，鳳尾香衾翠幔重。靜對菱花勻淚粉，
不知膏沐若為容。

問天乞巧看銅儀，再拜雙星恨不隨。塵世未知天上事，
隔河相望一年期。

纖手清閒理瑟工
高樓半在碧雲中
行人豈是知音者
小立花陰待曲終

負薪

三千門館躡珠賓
半百還家衣錦身
却是吏民私告語
十年前是賣薪人

薪樗塞破野人居
此是餽糧卒歲儲
客裏黃金燃桂盡
厨無煙火欲何如

爛柯人去隔存亡
一局棋終愴故鄉
想得山中絕煙火

松花松子當乾糧

破帽籠頭髮半華樵歌一曲勝長嗟
雞鳴裹飯登高去
日暮天寒未到家

有新可賣未須悲滿百青銅況有奇十指
東枯從禿盡
不堪棘刺罨人衣

天寒氣入鼻中辛竹擔彎彎却戀身
賣得錢來回首望
蠟烟起處屬何人

腰鎌上到白雲邊惆悵長松不盡年
近市山山皆有主

遠山高削步難前

蒸梨炊黍付荆妻
指點青山澗水西
忽聽丁丁雲外斧
一聲山鳥背人啼

捫蘿緣壁到山頭
俯羨鴻飛儘自由
風雨蕭蕭黃葉滑
未行十步兩三休

黃昏樵采早回歸
同伴相邀未有期
抱子老妻門口望
南山有虎悔何追

空門

閉口銅魚勿復論數間老屋枕雲根曉鐘三板出山去
分付獼猴為守門

錫杖凌空去復還片雲縹緲伴身閒春風錯種醍醐草
引得牛來食雪山

人居天地一樊籠撫掌山家四壁空不道今年空得盡
且無雀鼠到山中

四祖門庭寂寞秋牛頭只是舊牛頭如何一旦風光別
花落花開百鳥愁

四卷楞伽几上安而今老去懶能看
庭前桂樹花開未
分別西風信鼻端

黃金闌護紫宸深賜予奢林下衲僧那有此
多年枯木對春華

結草為廬萬仞頭人間蟻穴自王侯
客來借問窮通理
不意僧中有許由

白蓮有社一經過會意由來不在多
滿目廬山青未了
聞鐘歸去意云何

我本三生兜率天為差一念又塵緣
早知密意無多子
不着旁行貝葉邊

燈燈相續古猶今怪底門前立雪深
衣不得傳關臂事
汝師輕發老婆心

山居

春到寒芳總向榮藥苗旋種亦初成
山翁自幸無人識
可要山中宰相名

空山薇蕨供清齋世事悠悠不挂懷
梅得風醒午枕

竹陰轉日上南階

白雲縹緲野人家生事年來漸有涯不與世人爭歲月
却將椿菌勘南華

宿雨初乾一杖藜欲呼漁艇訪前溪碧桃花落無尋處
惆悵人間日又西

半屋雲霞與鹿分兩株古木正當門野花自落東流水
坐對青山酒一尊

好山當戶四無鄰似是秦時採藥人千百年間天地裏

不多不少一閒身

宿世仙家十二樓
誤嬰時網未深愁
浮邱輩行如相覓
騎却紫雲歸去休

種藥千畦手自鋤
年來漸喜識人疏
等閒旋點黃金賣
莫訝家無儋石儲

矮窓欹枕看朝榮
老覺逢迎禮數生
來往頗知麋鹿性
寒暄不會俗人情

擁樹溪雲迷近遠
低簷山果亂紅青
莫言身外都無事

早晚焚香看道經

漁父

不踏長安十二門
鷓鴣飛處數家村
停橈試向灘頭問
莫是嚴光末世孫

一曲清漪濯晚霞
釣竿斜插白鷗沙
傍人借問居何處
四海五湖都是家

秋風浙浙獵菰蒲
如此江山其可孤
天與玻璃三萬頃
更添一半夕陽鋪

長作絲綸短短牽一池漢水盡南天誰知有客量江面
不是漁郎兩板船

推起篷窻抱月眠三三兩兩柳邊船不須聽說文王事
孤負漁竿八十年

傳呼扶柁晚風前一陣驚鴻沒遠煙不是吾儂棲泊處
却回別港避官船

五湖烟裏我知魚屬玉春鋤一處居欲到垂虹風作惡
幾株官柳向人疎

秋聲只在樹中間
極浦斜陽更有山
卷却絳綸呼酒盞
鷗邊聊得此身閒

舟繫蓬萊淺水旁
黿頭縮盡海生桑
百川日夜滔滔去
借問人間有底忙

壁月滄波上下天
秋風搖落四無邊
玉龍盡喚眠鷗起
兩岸蘆花不見船

欽定四庫全書

兩宋名賢小集
卷三百十七

十五



兩宋名賢小集卷三百十七